

- 50 егда ми дасть богъ миръ духомъ лишити.
 Тогда бо ревность и зависть престанеть,
 а кождо суду божию предстанеть
 За рвение си должну мзду прияти.
 Но ты даждь, боже, здѣ всѣмъ ся каяти,
 55 Да о зависти сей никто судится,
 но всякъ во любви сушь тебѣ явится.
 Писахъ и рифмы многи, той я знаеть,
 кто „Многоцвѣтный Вертоградъ“ читаеть,
 Мною сложенный, и псалмы святыя,
 60 яже сведохъ вся в метры славенския.
 Особно сия книга есть списанна,
 не во едино лѣто начертанна;
 Въ различныхъ лѣтѣхъ многи нужды быша,
 яже ми сия писати бѣдиша;
 65 Яже въ старости могутъ в ползу быти,
 егда не лѣтъ ми будетъ ся трудити.
 От трудъ готовыхъ мощно будетъ взяти,
 аще ми дасть богъ старости дождати.
 Днесь бо точною лѣто совершаю,
 70 еже писменемъ нашъ право считаю.
 Нуждѣ же тѣхъ вещи хоцещи ли знати,
 оглавление изволи читати;
 Въ немъ ти всякая нужда изъявится
 и листъ, на немъ же лежить, объяснится.
 75 Да дасть же господь здраву ти читати,
 яже потщахся здѣ азъ написати
 И юнымъ твоимъ въ науку даяти,
 да возумѣютъ чинно глаголати
 Въ славу божию, такожь святыхъ его,
 80 въ научение возраста своего.
 Ползу ти сими прияти желаю,
 а любовь твою тошно умоляю:
 Да аще нѣчто погрѣшно узриши,
 то ми простити возблаговолиши,
 85 Вѣдая, яко не от злобы тое
 погрѣшение, здѣ есть внесенное.
 Но или яко не успѣхъ познати
 или в памяти не могохъ держати.
 Ина писатель преступно писаше,
 90 ихъ же не узрѣ бренно око наше.
 Церкви согласно вся тщахся писати,
 противныхъ во умъ не мыслихъ пущати.
 Тѣбѣ аще что противно явится,
 любовь не скоро судити да тщится: